



O'ZBEKISTON RESPUBLIKASI PREZIDENTINING FARMONI

2024 yil « 2 » июль

№ ПФ–98

Мақтабгача ва мақтаб таълими соҳасида давлат бошқаруви тизимини такомиллаштириш чора-тадбирлари тўғрисида

Мақтабгача ва мақтаб таълимида яхлит давлат бошқаруви тизимини ташкил қилиш, ушбу соҳадаги долзарб муаммоларни самарали ҳал этиш, давлат ва нодавлат мақтабгача таълим ташкилотлари фаолиятини янада ривожлантириш ҳамда мақтабгача таълим йўналишида белгиланган мақсадли кўрсаткичларга эришишни таъминлаш мақсадида:

1. Мақтабгача ва мақтаб таълими вазирлигининг Мақтабгача таълим агентлиги (кейинги ўринларда – Агентлик) фаолиятини тугатиш ҳамда Агентликнинг ташкилий тузилмасидаги ташкилотларни 1-иловага мувофиқ вазирлик тасарруфига ўтказиш тўғрисидаги таклифига розилик берилсин.

2. Мақтабгача ва мақтаб таълими вазирлиги зиммасига қуйидаги қўшимча функцияларни бажариш юклатилсин:

илғор хорижий тажрибани ҳисобга олган ҳолда мақтабгача ёшдаги болаларни ҳар томонлама интеллектуал, ахлоқий, эстетик ва жисмоний ривожлантириш учун шарт-шароитлар яратиш;

мақтабгача таълим ва тарбия жараёнига замонавий инновацион педагогик технологияларни, таълим ва тарбиянинг самарали шакллари ҳамда усулларини жорий этиш;

мақтабгача таълимнинг ўқув режа, дастур ва ўқув-методик мажмуаларини такомиллаштириш, уларнинг умумий ўрта таълим дастурлари билан ўзвийлигини таъминлаш;

давлат ва нодавлат мақтабгача таълим ташкилотлари орасида соғлом рақобат муҳитини яратиш ҳисобига барча болаларнинг мақтабгача таълим билан босқичма-босқич қамраб олинишини таъминлаш;

Мақтабгача ва мақтаб таълими вазирлиги

К/Р: 72пф

2024-йил 4-йул

нодавлат ва давлат-хусусий шериклик асосидаги мактабгача таълим ташкилотлари тармоғини кенгайтириш, уларга қонунчилик ҳужжатларига мувофиқ субсидия ва компенсациялар ажратиш, берилаётган давлат кўмагининг самарали ва мақсадли ишлатилиши устидан таъсирчан назоратни ўрнатиш;

мактабгача таълим ташкилотлари тарбияланувчиларининг рационал ва белгиланган меъёрлар асосида соғлом ва тўғри овқатланишини таъминлаш;

соҳада замонавий ахборот технологияларини қўллаш, бошқарув жараёнларини рақамлаштириш ва ҳужжатлар айланмасини қисқартириш орқали мактабгача таълим хизматлари сифатини ошириш.

3. Мактабгача таълим тизимида амалга оширилаётган ислохотларни изчил давом эттириш мақсадида Агентлик фаолиятини тугатиш натижасида мақбуллаштириладиган **66 та** штат бирликлари қуйидагича тақсимлансин:

39 та штат бирлиги – Мактабгача ва мактаб таълими вазирлигининг марказий аппаратиغا;

14 та штат бирлиги – Қорақалпоғистон Республикаси Мактабгача ва мактаб таълими вазирлиги, вилоятлар ва Тошкент шаҳар мактабгача ва мактаб таълими бошқармаларига;

13 та штат бирлиги – Қорақалпоғистон Республикаси ва вилоятлар педагогик маҳорат марказларининг методик хизмат кўрсатиш бўлимларига берилсин.

4. Белгилансинки, Мактабгача ва мактаб таълими вазирлиги Агентликнинг ҳуқуқлари, мажбуриятлари ва шартномалари, шу жумладан халқаро шартномалари бўйича ҳуқуқий вориси ҳисобланади.

5. Агентликнинг Тошкент шаҳри, Миробод тумани, Амир Темур шоҳ кўчаси, 17-уй манзилидаги бино-иншоотлари оператив бошқарув ҳуқуқи асосида Ижтимоий ҳимоя миллий агентлигига берилсин.

6. Ўзбекистон Республикаси Президентининг ва Ўзбекистон Республикаси Ҳукуматининг айрим ҳужжатларига 2-иловага мувофиқ ўзгартиришлар ва қўшимча киритилсин.

7. Мактабгача ва мактаб таълими вазирлиги бошқа манфаатдор вазирлик ва идоралар билан биргаликда **уч ой муддатда** қонунчилик ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

8. Мазкур Фармоннинг ижросини назорат қилиш Ўзбекистон Республикаси Бош вазири А.Н. Арипов зиммасига юклансин.

Ўзбекистон Республикаси
Президенти



Ш. Мирзиёев

Тошкент шаҳри